



CATATAN PERBINCANGAN MENGENAI INTEGRASI SISTEM TAPISAN KEUTUHAN (SPRM) DAN TAPISAN KESELAMATAN (CGSO) DENGAN APLIKASI HRMIS

1. TARIKH & TEMPAT MESYUARAT

Mesyuarat ini telah diadakan pada 29 Mei 2017 bertempat di Bilik Mesyuarat Bestari, Bahagian Perkhidmatan, Aras 7, Blok C2, Putrajaya dari jam 9.30 hingga 10.30 pagi.

2. WAKIL BAHAGIAN PERKHIDMATAN

Sesi perbincangan ini telah dianjurkan oleh Bahagian Perkhidmatan (BK) dengan penglibatan bersama Bahagian Pembangunan dan Pengurusan Maklumat Strategik (BPMS), Suruhanjaya Pencegahan Rasuah Malaysia (SPRM) dan Pejabat Ketua Pegawai Keselamatan (CGSO). Seramai empat belas (14) orang pegawai dari JPA, SPRM dan CGSO telah menghadiri sesi perbincangan ini yang terdiri daripada:

- i) YBhg. Datuk Noridah Binti Abdul Rahim (JPA, Pengerusi);
- ii) Encik Kamal Badrin Bin Hassan (BK, JPA);
- iii) Encik Fadzil Hisham Bin Jalaludin (BK, JPA);
- iv) Encik Nur Iskandar Bin Nur Dzainuddin (BK, JPA);
- v) Puan Suriawati Binti Awang (BK, JPA);
- vi) Puan Ruhaidah Binti Ahmad (BPMS, JPA);
- vii) Puan Norliana Binti Kamis (BPMS, JPA);
- viii) Puan Masniah Binti Abdul Samad (BPMS, JPA);
- ix) Puan Fadzillah Binti Shamsuddin (SPRM);
- x) Puan Suzana Binti Alias (SPRM)
- xi) Encik Saiful Azri Bin Mohamad (SPRM)
- xii) Encik Syarifuddin Bin Palawa (CGSO);
- xiii) Encik Mohd Ridzuan Bin Sith (CGSO);
- xiv) Puan Noraini Binti Osman Basah (BK, JPA).

3. SESI PERBINCANGAN

Perbincangan mengenai integrasi Sistem e-STK dan e-Vetting dengan aplikasi HRMIS adalah seperti berikut:

3.1 Isu berkaitan dengan Maklumat Tapisan Keselamatan dan Keutuhan

- a) Pengerusi telah memaklumkan bahawa urusan kenaikan pangkat dan pemangkuan bagi pegawai Kumpulan Pengurusan Tertinggi memerlukan keputusan Tapisan Keselamatan dan Keutuhan pegawai. Perkara ini menjadi sebahagian dari prosedur untuk tujuan tersebut.

- b) Sehubungan dengan itu, Pengerusi turut mencadangkan agar pengemaskinian maklumat keputusan Tapisan Keselamatan dan Keutuhan dihantar secara automatik ke dalam Aplikasi HRMIS tanpa melalui proses manual seperti sedia ada sekarang. Tujuannya adalah untuk meningkatkan kecekapan saluran maklumat dan memudahkan pegawai-pegawai di BK, JPA menyemak dari satu sumber berpusat sahaja iaitu HRMIS.
- c) Pengemaskinian maklumat Tapisan Keselamatan dan Keutuhan adalah penting memandangkan terdapat kes-kes di mana kelayakan faedah pencen dan kenaikan pangkat pegawai telah dilaksanakan walaupun pegawai didapati mempunyai rekod kesalahan melalui siasatan yang dijalankan oleh agensi yang berautoriti. Maklumat ini dapat membantu Jabatan untuk melaksanakan tindakan sewajarnya ke atas pegawai yang telah dikenal pasti.
- d) Bagaimanapun, wakil SPRM memaklumkan bahawa SPRM pernah mengemukakan permohonan untuk mengakses maklumat Rekod Peribadi Penjawat Awam melalui HRMIS bagi memudahkan pihak SPRM mengemaskini data pegawai. Namun, perbincangan tersebut tertangguh sejak tahun 2015 dan tiada tindakan selanjutnya diambil.
- e) Wakil SPRM turut memaklumkan bahawa keputusan Tapisan Keutuhan bagi tempoh melebihi 6 bulan sudah tidak relevan. Oleh itu, Ketua Jabatan perlu mengemukakan permohonan semula bagi setiap urusan pemangkuan atau kenaikan pangkat yang baru. Perkara ini bagi menjamin pegawai yang ditawarkan pemangkuan atau kenaikan pangkat adalah bersih dari rekod salah laku atau jenayah.
- f) Di samping itu, Pengerusi juga turut menyarankan agar Agensi SPRM atau CGSO mengguna pakai indikator untuk mengenal pasti pegawai yang mempunyai rekod seperti penggunaan *red flag* ke atas nama pegawai dalam Aplikasi HRMIS. Ia akan memudahkan Jabatan ini sebagai Urus Setia Lembaga Kenaikan Pangkat dalam melaksanakan urusan yang berkaitan.

3.2 Pembangunan Sistem eVetting ke Versi 3.0

- a) Wakil CGSO memaklumkan bahawa Sistem e-Vetting akan dibangunkan ke Versi 3.0. Bagaimanapun, pembangunan sistem ini masih dalam peringkat perbincangan agensi. Pengerusi mencadangkan agar JPA turut dilibatkan dalam jawatankuasa teknikal bagi membolehkan cadangan integrasi sistem antara HRMIS dan e-Vetting dapat diwujudkan. Pembangunan sistem ini dijangkakan dari tahun 2018 hingga 2020.
- b) Integrasi data di antara HRMIS dengan e-STK dan e-Vetting memerlukan persetujuan semua pihak yang terlibat bagi membolehkan perkara ini digerakkan ke peringkat selanjutnya. Sekiranya, ketiga-tiga agensi telah

bersetuju maka satu jawatankuasa teknikal akan diwujudkan untuk membincangkan mengenai kaedah untuk mewujudkan integrasi sistem.

- c) Wakil CGSO turut memaklumkan bahawa keputusan tapisan keselamatan ini hanya akan dibuat berdasarkan permohonan oleh pihak agensi atau ketua jabatan sahaja. Wakil CGSO turut memaklumkan bahawa ketua jabatan mempunyai kuasa untuk memohon tapisan keselamatan ke atas pegawai-pegawainya sekiranya perlu.

3.3 Maklum Balas BPMS

- a) Wakil BPMS, JPA memaklumkan tiada halangan di pihak mereka sekiranya Agensi SPRM dan CGSO bersetuju untuk melaksanakan integrasi sistem ini. Perbincangan lanjut dari sudut teknikal akan diadakan untuk memastikan penambahbaikan dapat dilaksanakan.

4. KEPUTUSAN MESYUARAT

- a) Perkara ini memerlukan persetujuan dari Ketua Jabatan ketiga-tiga agensi untuk mewujudkan satu jawatankuasa teknikal yang akan membincangkan integrasi sistem dengan lebih lanjut. Pihak BPMS, JPA akan melihat semula permohonan SPRM untuk mendapatkan akses Aplikasi HRMIS bagi tujuan ini.
- b) SPRM boleh mengemukakan semula permohonan kepada BK, JPA dengan menyatakan bentuk-bentuk maklumat pegawai yang hendak diakses melalui HRMIS. Pihak BK, JPA akan mengangkat kertas pertimbangan kepada pihak Pengurusan Tertinggi Perkhidmatan Awam untuk mendapatkan keputusan mengenai permohonan tersebut.

5. PERKARA-PERKARA LAIN

Pihak BK akan membuat perbincangan dari semasa ke semasa dengan agensi yang terlibat untuk tujuan penambahbaikan dan prosedur kerja di masa akan datang.

Disediakan oleh,
Sektor JUSA
Cawangan Pengurusan Perkhidmatan Gunasama
Bahagian Perkhidmatan
01 Jun 2017